

## ■ GLOSSA

# Glossa sco ossa

DA GISULA TSCHARNER

**N**ossa glossa dad oz nun è grossa, forsa è ella be ossa semtgada per fossa en drosa, ma segir betg Vossa, l'ossa. Ubain la glossa dad oz è ina sossa franzossa pauc famosa, en la quala in u l'auter sa no-  
da e possa.

**A** la fin d'atun ordadora sut il pin: In bun vin! E ina giacca da lin brin cunter il fraid da la fin

d'atun che vegn sco adina. I rin perquai che la farina da salin dal paunin sa dera-  
sa fin fin sin la surfatscha dal vin en il magielin sut il pin, a la fin d'atun.

**A**dvent è preschent – Ana be a Sent – dapi tschent(aners). Vent-fa-  
vugn suffla davent l'ultima feglia, e fors' er Tes dents, sche Ti n'has betg endament da serrar la bucca. Concernent l'eveniment-principal da Nadal, fa en-

dament da nun emblidar che quel entschaiva avant cun l'advent e legherment! Er pervia dal pajament-supplement (13avel).

**N**adal è fatal – inqual-  
gia. Hallo e hallal tu-  
nan sco metal e sa lascha udir en la val sco er sisum sin la cresta Canal, in grond fanal übarall. Jau sperel mo che per Tai Nadal vital na fineschia sco final fatal en in chantun da l'iral.